

德化縣志卷第二十二

知德化縣事

高植原輯  
沈錫三補輯

鄒文炳再輯  
陳秉續輯

書院

景星書院在縣治東唐李渤隱廬山元和初以右拾遺召不拜韓愈遺之書有朝廷士類引領東望若景星鳳凰先覩為快之語渤長慶中刺江州建書院人故名之曰景星明末兵燬今東嶽廟是其故址

濂溪書院一在縣城南八里宋周子惺願過潯陽愛廬山之勝因麓有溪取故里之號名其溪曰濂溪築書堂於

德化縣志

卷二十二學校

書院

上濶熙丙申知軍州事潘慈明增築焉詳朱子記明正統初御史徐傑項璉副使焦宏陳玠仍遺址重建提學副使邵寶奏著祀典奏疏見祠廟記嘉靖丁酉戶部主事祖瑒龔石刻太極圖說樹之寢副使謝迪同知姜輅易傾腐而新之濬蓮花池於前方五畝宏治間戶部主事鄭汝美建廊舍塑元公像於中嘉靖初戶部主事鄒輓卽堂東隙地構號舍以便生徒肄業歲久多圯萬曆癸丑兵備道葛寅亮重葺今亦頽廢 一在城內豐儲坊都察院左嘉靖間兵備道陳洪濛建祠計四重頭二

門無極堂及像堂上濂溪先生兩旁程明道伊川先生  
左旁書室五重右旁四重諸生肄業其中後空地袤長  
十丈餘蓮池一今院鄰鎮府因偏近爲兵丁假居

采朱文公記道之在天下者未嘗亡惟其託於人者  
或絕或續故其行於世者有明有晦道之託於人而  
行於世者惟天所畀乃得與焉決非智巧果敢之私  
所能臆度而探也河圖出而八卦畫洛書呈而九疇  
敘而孔子於斯文之興喪亦未嘗不推之於天聖人  
於此其不我欺也審矣若濂溪先生者其天之所畀

而得夫斯道之傳者歟不然何以絕之久而續之易  
晦之甚而明之亟不繇師傳默契道體建圖屬書根  
極領要當時見而知之有程氏者遂廣大而推明之  
使夫天理之微人倫之著事物之衆鬼神之幽莫不  
洞然而貫於一而周公孔子孟氏之傳煥然復明於  
當時有志之士得以探討服行而不失其正如出於  
三代之前者嗚呼盛哉非天所畀其孰能與於此先  
生周氏諱惇頤字茂叔世家春陵而老於廬山之下  
因取故里之號以名其川曰濂溪而築書堂於其上

今其遺墟在九江郡治之南八里荒蕪不治者百年矣  
淳熙丙申太守潘侯慈明與其通守呂侯勝已始復作堂其處揭以舊名以奉先生之祀而呂侯乃以書來屬某記之某愚不肖不足以及此獨幸嘗竊有聞於程氏之學者因得伏讀先生之書而想見其爲人比年以來屏居無事嘗欲一泛九江入廬阜濯纓此水之上以致其高山景行之思而病不得往誠不自意乃今幸甚或因文字以記姓名於其間也於是竊原先生之道所以得於天而傳諸人者以傳其事之盛意云爾

國朝順治間權使崔掄奇見書院傾圮聿新之立先生之裔一人以奉祠事使於督關使者歲支銀六兩以時黜聖其宮牆灑掃庭宇

崔掄奇記聖人之學見於經者始於堯舜而大著於孔子孔子既沒百家竝興孟氏起而正之奪天下既陷之人而復歸之孔氏亦已難矣孟氏以來去聖益遠世益下天下相安於固然而不復知有所謂聖人

者奇說異術更爲前人所不及見當是時湖微言於  
二千歲之間究極天人之旨倡明絕學務以聖人爲  
歸豈非孟子之所尤難者哉則濂溪先生是也孟子  
有闢邪之功而先生有表正之力迨至程張朱衍其  
緒大其傳聖人之學光於日月矣要其手闢草昧率  
先於吾道之途者何人也哉由此觀之宜其尸祝先  
生者徧天下也潯陽爲先生遊居之地祠享之所舊  
有書院圯而不治是亦儒者之羞也時有京兆趙大  
將軍鎮茲土遊其地而歎曰是余之責也且使先生

俎豆歆絕無所歸咎而余適建牙於其側他日將毋  
曰此軍左之故歟乃庀其俸以修之予以爲將軍位  
列元戎奉 國忘家其貧不下於儒者而乃勤心於  
儒者之所不爲予增一愧矣因少蠲以佐不逮而更  
請於將軍以爲潯之籍先生之齋在焉求一人立於  
此以奉祠事使於督關使者歲支銀六兩以時黜墜  
其宮牆灑掃庭宇亦所以恢宏似續將軍之意於無  
窮也將軍旣不以予爲謬而更求記於予余不文安  
能發明先生之學於萬一而終不能辭一言以告將

來曰先生者孔子之大宗也而將軍亦斯道之干城也已

黃雲師濂溪書院記事書院奉周元公而二程先生侍坐其像設甚古見者肅然生敬因居戎府左丁亥之秋有欲毀像以廣其宮者問左右曰周濂溪何人曰古大賢也曰彼不過能作幾句詩對耳今何能爲將鳩工撤像是夕見三冕而朱服者坐寢堂嚴毅不可偏視自是畏其神不敢議毀世傳真淨禪師住歸宗元公往與之遊因結青松社又名寺左之溪曰鸞溪

此以說也元公與真淨往還或偶寄跡必以松可步蓮鸞名配虎遞因摹倣此卽真淨不爲而謂元公爲之乎且元公門庭高峻王介甫聞風歸嚮尙三謁而三辭之冀折其少年果銳之氣而謂其學遠公淵明於形骸之外則又過矣予因書院事及之使後人知元公大賢不可或褻而書院之日就蕪沒爲可惜耳

新濂溪書院在世德坊之南乾隆五十年知府初之樸買地創署建奎閣以祀濂溪先生神位追緝蓮花洞舊業取租息以備膏火嘉慶五年巡道阿克當阿復加修葺

改門庭捐俸延師十年巡道廣惠踵增之十三年知府方體買南偏地改大門以正午位建監院廳於左增學舍於右復陸續置產以裕膏火立法經理書院大有裨益並有記化邑楊廷貴宋光璧廖泰瑤捐建學舍一十六間措椅棹並重修奎閣二十二年知府朱榮又重修奎閣

咸豐四年粵匪竄郡城盡燬同治三年蔡公芥舟攝關篆籌款復建前構魁星閣中大堂內講堂右啟學舍四十四間爲生童肄業所其餘隙地甚廣未暇葺修周圍築短

德化縣志

卷二十二學校

書院

六

垣以清基址城外置店屋數處以所得租資爲膏火費並捐廉延山長給獎賞增課期後之蒞斯篆者如俊質堂景介臣兩觀察先後繼其志廢而復興於士林大有裨益

巡道蔡錦青重建濂溪書院碑記九江於豫章爲下游而匡廬五峰峙其南江湖繞其東北蜿蜒澎湃出雲霧而浴日月士生其間類多清逸傑特不可一世之才當其處也嶢然不辱其志則如翟道深陶元亮諸賢及其出而與人國事則如周壯侯孟威陶桓公

者義烈勲名竝軼前古迄今千有餘載而數公之流風懿美猶與山川里居相映發過其鄉者未嘗不俯仰徘徊卽所釣遊而益想其邱壑之美焉夫有其地無其人不足彰兩間之蘊蓄爲之前莫爲之後則君子之澤易卽湮淪顏子曰舜何人也予何人也有爲者亦若是抑爲之有道遺其本而襲其末未見古人之能及也蓋士必泊然無營於一心乃毅然有爲於天下或出或處事無二致使道深元亮以功名終於晉室吾知其雖爭光日月可也使壯侯孟威桓公不

幸而老守山澤吾知其必不與世俗爲隆污也今郡縣之有書院以館四方學者非欲其徒習文藝而已將使求志之不苟以待 國家非常之用意至深遠昔周元公知南康軍因家於廬山故九江舊有濂溪書院二在濂溪港者建於宋淳熙間

國朝乾隆二十一年移築蓮花峰下尋圯在郡城豐儲坊者建於明嘉靖間天啟末廢爲周子祠至乾隆五十年郡守初君之樸別建於城內世德坊之南者今之濂溪書院是也咸豐癸丑粵寇陷郡城燬焉同治癸

亥余再攝巡道籍其餘產無幾捐俸倡諸官吏得銀四千兩乙丑二月仍世德坊之故址而重葺之閱月工竣爲銀五百兩所謂講堂寢室學舍悉視其舊存二千五百兩屬董事購產生息所謂殿修膏薪之費視昔有增今而後溥之士得以礪厲於其中矣毋以貧賤害所守毋以辭章害所爲處則爲慤士出則爲名臣令世之人謂溥士果無愧厥前賢無負於其地此使者所日爲望焉者也董是役者德化職員萬樹春廩貢許國鈞也爲之記

前置產業

- 一 舊存生息經費七九錢二千四百七十五千又捐置各產自... 姓契賣田蒼玉戶屯田外餘知府方續置
- 一 貢院後牆園地屋基租課七九錢二千四百文暫佃徐等蓮花洞書院舊基地三處共長八十五弓上廣三十弓下廣二十一弓又荒田三小坵共長二十弓廣五弓
- 一 白鶴鄉毛家園官荒田勘丈直長三百十三弓上橫廣二百七十二弓下橫廣一百八十七弓計二百七十一畝二分六釐六毛



一湖邑監生余延優捐小田六升租二石七斗折九九錢二千一百六十文

一湖邑民婦周徐氏捐田六畝五分崔禮器典田二十畝共租四十四石每年除完錢糧外應交租折七九錢二千三百八十二文

一湖邑領借本七九錢三百七十五千文又與王合水田三十七畝五分租七十五石每年除完錢糧外應交租折七九錢四十五千文以上四項均由湖口縣報解

一買化邑周姓所買田蒼玉戶赤松鄉田家樹林門首屯

德化縣志

卷二十二學校

書院

九

田一分十六股之七范佃四琳租課七九錢十五千文徐佃三琳租課七九錢九千文每年錢糧三兩三錢二分五釐支田必年戶完納

一買張姓岳師門外房屋折出基若干移造書院後牆屋三重計九間前至大街後至院牆左至官巷右至院後空地每年額租七九錢二十二千文

一買張姓西門外竹籐嘴店屋二間前至官街後至泚房左至三公祠右至官街每年額租七九錢一十五千五百文

一買庫書陳姓屋化邑縣前屋三層正五間廂房三間東至縣學蓮池南至康王廟街西至書院牆北至大街額租七九錢二十千文又縣前屋二層共四間東至書院牆南至康王廟街西至蔡姓屋牆北至大街額租七九錢九千文又縣前屋三層共八間東至蔡姓牆南至康王廟街西至胡姓屋牆北至大街額租七九錢二十千文

一赤仁洲洪字十號洲地一百十四畝九分一釐暫佃稞七九錢三十四千一百零七文

德化縣志

卷二十二學校

書院

十

一買桑落鄉新洲南岸盈字一百四十四號老洲地長二百七十弓廣二百十八弓又白沙地一千一百三十一畝六分七釐租稞七九錢一百二十千文暫佃吳蘆稞三兩五錢

一又新洲北岸盈字一百四十四號新淤草場一片東至字字軍洲二步墻北至大江南至一百四十四號老洲地西至盈字一百五十一號洲地租稞七九錢二十四千文暫佃楊吳成再議

一彭邑蕭老洲寒字一十八號洲地除汪又芹八十股之

一在外詳明府藩變賣得價九九錢七千八百六十串  
春衣書院得三千一百四十四千文濂溪書院得四千  
七百一十六千有零文置買宋姓仁貴鄉游家嶺桃芳  
壠田三十七畝七分租八十三石七斗九升額折九九  
錢六十七千零三十二文買熊姓白鶴鄉石門礮田二  
十四畝一分地一畝一分租五十一石額折九九錢四  
十五千九百文

一買李姓德化鄉螺螄墩田三十七畝八分租七十五石  
七斗五升額折九九錢四十八千文內因傍湖有田數

德化縣志

卷二十二學校

書院

十一

畝未做有埂照此折租後做埂再議

一買余姓仁貴鄉張家灣田二十五畝四分租五十五石  
五斗額折九九錢四十四千四百文

一買胡姓德化鄉梅家山田六畝租十二石又山租二石  
共額折九九錢十二千四百文

一買湯姓德化西鄉東林上坂田十二畝五分租二十四  
石一斛額折九九錢二千八百二十五文

一買程姓本城東門內田四股之一股半田五畝七分租  
十一石一斛又地稞一兩三錢共折九九錢十千零八

十文

一買陳姓仁貴鄉楊家壩田二十三畝租五十七石額折

九九錢四十五千六百文以上租穀每担折九九錢入  
百九十文豐歉無減無增案

存郡房

一買府署竹籐嘴卡房八間房租九九錢十八千文

一現在四邑典商生息九九錢一千五百六十串每年息

九九錢一百五十九千二百文又存化邑士民生息九

九錢九百零四串每年息九九錢一百串零四百八十

文

一鹽院阿克當阿捐買劉明德建昌縣民田地山場舖屋

基地文契四紙共價紋銀九千二百兩焦甬庄田一百

一十三畝三分五釐每年租二百八十七石三斗一升

五合柴山柴租共二十五石又店屋基地租錢二千四

百文理順庄田一百零一畝三分五釐每年租二百零

四石六斗柴山一面柴租一十三石半楊泗圩庄田三

百三十九畝八分一釐四毫五絲每年租九百七十一

石零九升二合共計租穀一千四百六十三石零七合

柴山租共計三十八石五斗屋基地租九六錢二千四

百文城內舖屋一申保街坐南朝北舖屋一所二間土庫西邊牆外餘地一片其地四方每方二丈一尺雙合舖面一坐接連三進上下樓房共計三十二間共計租一百千零每年納紋銀二百四十兩由建昌縣報解嘉慶丁丑巡道任捐紋銀一百六十兩發郡典每月一分息作祝 聖誕費

現存產業

游家嶺桃芳壠共田叁拾柒畝柒分計秋租捌拾叁担柒斗玖升册載正米壹担伍斗零捌合每担定價陸百文

德化縣志

卷二十二學校

書院

三

一田家樹林稞錢七九錢貳拾肆千文遇水卽淹逐年未收分文坐瑞邑埠

一石門澗租穀伍拾壹担册載正米壹担零貳合貳勺壹

抄數年屢報乾旱

一螺螄墩租穀柒拾伍担柒斗伍升册載正米伍斗伍升

捌合肆勺貳抄

田極低窪遇水卽淹至今乏佃承種每石現定價陸百文

一張家灣租穀伍拾伍担伍斗册載正米柒斗玖升伍合

每担定價陸百文

一梅家山租穀拾貳册册載正米壹斗陸升每担定價陸百文

一崇福壠租穀貳拾肆担壹屏册載正米貳斗貳升每担定價陸百文

一東門城內租穀拾壹担壹屏地稞錢壹千伍百文册載正米貳斗每担定價陸百文

一楊家壠租穀伍拾柒担册載正米伍斗捌升每担定價陸百文逐年荒歉舊欠極多

一湖邑崔禮器典田貳拾畝民婦周徐氏捐田陸畝伍分共租肆拾肆担每年除完糧外應交租折七九錢貳拾叁千捌百貳拾壹文

德化縣志 卷二十二 學校 書院

一湖邑王合水田叁拾柒畝伍分租柒拾伍担每年除完糧外應交租折七九錢肆拾伍千文二項皆由湖邑報來九九錢貳拾壹千有零

一赤仁洲洪字十號洲地壹百拾肆畝玖分壹釐繳稞錢貳拾肆千文分上下忙收水淹即免

一盈字壹百肆拾肆號新洲地每年稞錢貳百串文分上下忙收水淹即免

新置

一同治二年十二月初十日置後街店屋一所坐南向北

前止官街後止甘棠湖岸係汪爲和出售現每年租錢壹百伍拾叁千文

一同治三年八月初三日置西關外店屋一所坐北向南前止官街後止大江老岸係李創夫出售現每年租錢壹百陸拾千文

舊存

一 新壩坐西向東地基壹塊每年基租錢柒千貳百文

一 後街坐南向北地基壹塊每年租銀肆拾兩整

一 後街坐南向北地基壹塊

左右俱係洋行地界長貳拾餘丈寬八尺未造屋

德化縣志

卷二十二 學校

書院

五

一 城內府門口下首坐北向南店屋一所每年租錢陸拾千文

一 老縣門口蓮花池岸屋一重坐南向北

過水即淹長夾房租以作修理

現欠房客之錢未清

以上租稞每年收錢發給收条竝加圖書以杜假冒

羅雲衢監生道光十三年曾捐膏火錢壹百千文又捐童生應試卷費錢叁百千文

羅酉三增貢雲衢子道光二十三年曾捐膏火錢壹百千

文

豐儲坊書院空地二重後簷牆外寬一丈自南北順行長巷到三重之後地八丈五尺又後簷深一丈復轉自東至西長四丈五尺

濂溪港書院嘉定間中軍守趙崇憲卽堂左築學舍二十六楹後燬明正統御史徐傑項聰重建嘉靖間巡撫何遷復闢基地增築學舍七酉兵燬

國朝康熙三十一年巡撫宋榮馬如龍知府朱儼德化知縣楊文錫全安邑知縣伍倫瑞邑知縣金世福湖邑知縣周埏彭邑知縣端木象謙合捐建正院三重

德化縣志

卷二十二學校

書院

六

宋榮記西江理學必首江州虞伯生所謂庶幾鄒魯之盛者也江州廬山勝甲天下茂叔周子自道州來終老其間用故里之溪名其水曰濂溪而濂溪先生之名遂與廬山並理學之盛自此始往余督權虔州嘗渡彭蠡湖廬山不及登輒憶先生有祠墓在以塵至間阻仰止徒殷未得拜於墓下數年來奉

命撫西江省會去江州較遠又簿書烟海百倍於昔每詆守土官吏濂溪書院無恙否僉曰兵荒以來傾頽已甚爲慨歎者久之夫先生愛廬山而終老則江州卽



先生菟裘而郡城又有墓隧先生在天靈爽實式馮焉先生書院之廢興卽天下理學盛衰所關係也理學一日不衰先生書院不可一日廢矧此傳道授業地繼千百年絕學以留貽至今者先生力也庸可聽其荒蕪不治哉江州書院在廬山之麓先生自築書院於溪上淳熙間有司增修紫陽朱子嘗爲文以記明正統初改爲祠今則鞠爲茂草頽垣片瓦無復存者矣興廢起衰非吾徒事與適江州守朱君儼亦有同心爰共捐俸就故址庀材興工一更新之竊聞先

生語友人云束髮爲學將以施設澤民必不得已止未晚也雖然先生設施雖未大張於世而出南安之囚辦分甯之獄在合州則事不經手定吏不敢決民不肯從所謂設施澤民者大畧可覩安有不慊者傷功業之未竟焉且祠墓相望記曰過墓則式過祠則下言乎加敬古聖賢之祠墓則無往不敬也又况先生之道德未施敬於民而民敬者雖更歷千百年何以易此嗣是諸生來學其中肅其禮儀瞻望其光風霽月而窮究諸先儒之旨趣理學之興其在斯乎余

未能窺先生之學既於虔州書院畧論其概矣茲第就先生書院廢興關係理學之故而江州尤所憑依者述之以爲記

乾隆十九年知縣高植修葺正院復廊堂左捐建學舍二重計十楹爲生徒肄業之所詳墾白合鄉毛圍荒田用佐膏火左基稍窄邑國學鄭枝枚捐地廣之長計二十四弓前橫八弓後橫五弓載仁一鄉鄭大鳴戶正米五合撥院交納

二十年知府董榕知縣額爾金泰現議覆五邑合資式廓

德化縣志

卷二十二學校

書院

六

高植記德化故有周子濂溪書院自宋迄今屢有建葺近廢士幾無所敬業漁山董郡伯甫莅治卽以是爲憂會紳士以邑之毛家圍荒地可墾田爲書院膏火資請於縣郡伯聞而欣然令勘查以報且曰卽爲之母若考事之有待也考事謂郡憲意中所籌畫故事郡無學憲署號舍缺焉計五邑之童子應府試者往返盤費應若干府按邑而往試之輸其費以建考署署成且甚厰甲他郡焉董憲曰書院之興宜倣之試猶未也故迫於心而毛圍之田適有合遂旦夕期

有濟急先務也書院正宇三重其中重勢將頽余爲  
葺而整之左右前側多草屋夾互撤之翼學舍於左  
墻爲十楹經始於乾隆十九年冬迄次年之春季而  
工小就焉皆郡憲意也今余以推陞將之松江繼任  
同寅額慎亭甚愛士董郡憲旣主議於上而慎亭以  
心力副焉所以培是院者未有艾第余以數載涖茲  
邑經理欠及時今第搆講習之所十餘楹堂雖整而  
式廓丹雘尙未旣旣歉疚於心而漁山郡伯之設施  
將以廓其宇而厚其資俾羣肄業於書院而規制無

弗備者未獲勳事而快其成以去尤憾於厥心焉雖  
然余則旣遲之矣慎亭故新創也旣考事在邇憲議  
將奉行加以慎亭之愛士其成事豈有待焉夫以今  
日之所就以爲終事則已僅以爲始事則無窮志周  
子之志學周子之學其進修亦猶是夫多士聞而咸  
憬然焉曰有是哉學問之道知不足則日進公之於  
書院也且然士知勉矣爰喜而誌之一以爲院之券  
一以爲士之券用兩期焉明始事也毛園計可墾田  
一百五十畝已具詳應并附載其呈請者紳士何登

棟陳奉茲王安國曹邦興舒秉鈞桂登峰桂東泗黃士鉅徐世柱夏正經張之濠胡國磐曹桓蔡邦俊張正禮李嗣迪何皓陳繼龍曹家梓督建者舒秉堦同夏銳蔡謚丁光輝許文潔蔡源鄭梅羹范明德諸人皆董郡憲之所獎且厚望焉例得附書

二十一年知府董榕移建於蓮花峰下新築講堂齋舍亭榭池沼詳巡撫胡寶瑤記所需經費五邑樂輸除動支外餘銀二千三百七十五兩每年生息以作膏火二十四年停止生息掣本置產又以本重息輕不敷所需遷

德化縣志

卷二十二學校

書院

二十

延未果嗣因蓮花峰頭澗水潮溼峯嶺崇峻四壁無牆肄業諸生不能棲息風雨飄搖屋遂傾圮二十八年知府溫保初據紳士公詞詳以前項典業取租作為經費并賃近成僧寮設學延師旋以教授宋五仁稟改府學掌教每月於明倫堂考課給以膏火至今因焉

胡寶瑤濂溪書院碑記氣運之光昌必升儒以宗聖其烝烝遂逐之象若時雨將至山川出雲網緼泱泱上騰三霄俄徧六合有觸石垂天而不可以已者蓋

斯文之在穹壤當

聖主崇尙實學之會

誥誠周詳

列聖訓謨煌煌燦列是以道賜羣邦風流萬宇而潯陽又爲前賢過化之地旣沐浴

恩波更漸涵鴻教固宜其克自振興風氣日上也自魯鄒已渺聖緒綿延如綫者千有餘歲至周子出而紹統系濬淵源一時伊洛關閩相望接跡如日中天斯固有宋大儒恢擴之功而周子則吾道中興祖也其學不由師傳直契道妙平生功業柔不茹剛不吐睽異

德化縣志

卷二十二學校

書院

主

翕然以合膏澤沛然以流雖未大竟其用正如袞衣章甫之治小試而聲施爛然至二程景從傳得吾徒七十子不爲多二子不爲少晚而退憩匡山闢書堂面雲岑樂溪水蒔芳蓮杖履優游殆如終老洙泗之上舊有濂溪書院地居卑溼荒莽不治太守豐潤董公旣和其封內欲遷諸爽塏者予與學使錢唐張公方伯華亭王公觀察長白蘇公樂聞其事咸稱許之太守爰達觀於大壯考卜蓮華之麓五峯攢簇風氣回環雙劍插天香爐炤日龍洞靈湫繞戶清聲灑灑

江光隱見練浮欄楯問度濯纓之橋仰太極之廬屹  
立崇祠祀周子於其中登光風霽月生意灑襟諸亭  
盤空至樂處俯三邁沼規沂雩之真趣嗣吟弄之雅  
懷講堂齋舍翼如秩如經始於乙亥八月閱一歲落  
成諸生竟助工力向之荒厓斷礪倏璇題華栱森矗  
於烟雲杳靄之間乃延明師選英雋以時絃誦究圖  
書精蘊誠將追與點之微意匪徒美文藝盛科名已  
也曩予撫楚南爲周子桑梓之鄉洎移茲土汎湘江  
下湓浦拂廬峯之翠懷窻草之墟弭節過之有餘慕

焉今鼎新壇宇彷彿神靈啟佑六百載之光華克還  
其舊從茲金口木舌復駕所說奉元亮所稱潔淨精  
微之儒而內澹道澤外注言泉治本立而風俗美且  
與鹿洞鵝湖同輝耀於斗牛翼軫之躔也於是乎書

陽明書院在城南三里許兵備葛寅亮建有記中爲像堂  
左爲講堂右爲習堂學屋左右凡二十重司香典器二  
所儀門大門二重初葛寅亮置學田一百七十畝後推  
官姚上彜增置一十五畝兵備陸夢龍又置六十二畝  
以資諸生膏火坐落南昌西寨順治十六年推官胡宗

虞重修今圯改爲祠田租存者歸公

嘉慶十四年知府方體賣廢石得價買得王登貴所管九衛白熊朋船杜國佐戶故屯坐分三股之二坐落仁貴鄉楓樹灣租二十四石六斗六升地課九九錢二千文額糧銀六錢七分七釐加增銀一兩三錢五分新文契一紙老契一紙合同一紙又全日買得譚姓人所管坐落德化鄉新橋坂王吳共船吳應樞戶故屯田三股之一租一十八石八斗七升庄屋一半糧銀九錢八分又加增銀照糧均當十二月又典得魏佳賓坐落仁貴鄉

德化縣志

卷二十二學校

書院

三

楓樹灣九衛白熊朋船杜國佐戶故屯半分租七石錢糧二錢五分加增三錢五分三釐連前共租五十石五斗三升諸契已於契內硃標縣驗給字樣俱存祀生王先覺處每年租課作修葺香燈之資母許私行典賣

靖忠書院在崇儒坊蓮花池南成化五年知府蘇致中建祀陶狄二公嘉靖間戶部主事鄒輓卽堂東隙地構號舍以便生徒肄業後改爲名宦鄉賢祠移書院豐儲坊今廢

肄武書院在縣治東九江衛門內東南隅嘉靖六年兵備

何棐以武弁子弟無教乃創正廳傍翼兩廊前爲大門計楹三十餘中發甬路圍以石垣命學官一人領其教習武經六藝焉今廢

社學在縣東十步許嘉靖六年知縣李萱改爲養正社學重建門堂今廢

府社學明天順六年德化知縣陳敏奉提學簽事李齡命建社學十八所坊廂二各鄉十六宏治間戶部主事白金建禮號社學在府治南通衢樂號社學在西門外潯陽驛右卽琵琶亭故址并給田以贍其師按舊志田貳

德化縣志

卷二十二學校

書院

二

拾畝正德己卯逆宸兵壞嘉靖初知府王念重建今均傾廢惟存府治南屋基一所

國朝嘉慶二十二年巡道任蘭祐捐廉貳百兩知府朱榮捐備椅棹同知覺羅富明捐廉貳百兩知縣鄒文炳捐錢伍拾千通津鄉楊廷貴捐錢伍拾千仁貴鄉程存仁捐錢捌拾千彭澤周之泰捐錢貳百千宗魯璜捐錢伍拾千於舊基建立學會改額義學延師課讀除修理置辦器具外存銀肆百兩錢叁百捌拾千文發郡典生息以作經費巡道任有記



咸豐四年經亂僅存正屋一重邊屋數間同治辛未關督

景瀾捐廉興修置祭臺棹堯延師二課徒四十二年續添五堂西城外一姑塘一峽石一十里鋪一小港口一

營義學在三聖廟左同治己巳年總鎮黃開榜捐建置棹

堯以轅門公用校廠租課延師課讀廖廷枏有碑記

小學在府東半里許嘉靖九年知府馬紀建後改為曾子

祠又小學十二所萬曆癸丑年巡道葛寅亮建今廢又

小學在縣治東里許廢今存小學巷口

縣會館在京正陽門東大蔣家衚衕席兒衚衕前後三重

計九間崇正年間創自省祭葉玉華歲久頽敗經給事

德化縣志 卷二十二 學校 書院

九江鈔關在京者整飭復舊故鈔關辦公官吏於此假

寓乾隆九年館人看守不力勾引外籍盤踞館中漸且

日就損壞會邑人何登棟徐世彬赴部時公車亦俱集

都下乃鳴官斥逐兩人復捐貲改造頭門三間買後隙

地一塊視前較恢擴焉嗣是邑士宦商賈乃得棲止於

斯量力解囊隨時修葺而籍非本邑概不許入館政為

之一清邑人徐世彬有記立匾於館中廳嘉慶丙子年

侍御蔡炯與河督李鴻賓即中余需元勳而新之度隙

地建屋三間復購隣房添建旁屋本館左邊挨連民基

一段同治五年經尙書萬青藜捐資承買於九年夏季捐資獨造房屋兩重仍由舊館第二重轉入計前後大小八間門額題春廬二字館後仍餘隙地補造正陽門內迤東高碑兒衚衕兩廣總督李鴻賓捐銀壹千伍百兩添買會館一所前後三重

府館在正陽門外西猪市口明天啟間德化朱袞任宛平縣時捐建并置義園一片於彰義門外詳見朱袞傳

賓興莊 舊業

道光十三年七月初 府憲發典生息制錢叁百千文二  
十三年閏七月初 府憲續發典生息制錢肆百五十  
千文是年 恩貢夏榮光捐銀陸百兩十一月由 府  
憲發典生息二十五年夏榮光續捐銀貳百兩經 封  
職蔡瀛專管至二十八年連餘息銀壹千伍百兩正以  
上四項俱遵 諭週年壹分貳釐起息咸豐二年十二  
月以前息資均按年繳清並立有該典領銀繳息摺據  
德化縣志

卷二十二 學校

書院 賓興莊附

三

存公

賓興莊新定章程

同治三年金鴻鈺捐助原典汪醴泉城內四埠頭路口右  
邊舖屋壹所計典價銀貳百兩現租認店客錢數有印  
簿可核

一城外後街坐南向北竝排舖屋三間中後基地未經造  
復係蔡姓出典與乾茂典名下管業兵燹後因典欠莊  
內銀兩未完同治十年公同稟明 道兩憲由 府憲  
集訊將此業斷令賓興莊經營十年後蔡姓如不照斷

價取贖永歸賓興莊管業給有執照案卷存府禮房現租店客錢數有印簿可核

一楚城鄉排山壠桂家河二處租穀共貳百担有零因田畝稍瘠各佃戶求讓憑衆議定以後每年收實租壹佰玖拾担係咸豐八年甘泉鄉職員黃建周捐出

賓興庄碑記

李大緒著

巡道

景福

周制興賢育能三年大比考其德行道藝以禮賓之尙已降及隋唐由鄉貢更置進士科嗣是名目屢易而士子進身之階均不越官禮三年之義凡以培學校登俊良出長入治之模莫善於此典至鉅法至良也我

德化縣志

卷二十二學校

書院賓興莊附

五

朝簡賢造士考課益嚴由庠序以至出身靡不爭自濯磨和其聲以鳴

盛治薰蒸涵養庸有間與同治丙寅予膺

命督榷來潯眎廬峯之雄特瞰大江之清流竊意士生其閒毓秀鍾靈必多偉器公暇讐校五邑課卷其佳構則蓬勃英銳獨出冠時柴桑得氣尤厚登甲科歷顯宦者較諸邑爲盛顧地瘠半乏恆產其未達也則口

授舌耕借館穀以資養贍每屆鄉會之期取之裕如者固不乏人而牽蘿補屋稱貸以益者恒十居七八其甚者往往以設措維艱因循中止予得稔其情急欲一爲籌畫去冬邑紳李君烈堂暨萬君古愚來謁予予備詢壹是具述道光年間曾以夏東旭明經捐金數百兩存息作鄉試資經烽燧廢而復理其所得無補萬一而公車所需愈夥更屬未遑籌及予爲之慨然曰嘻以此邦之大事業功名隨時傑出今肄業如此騰達如此致令力絀者梗其進階是所謂韜圭

璧而閔寶光處括囊而隱錐末無惑乎磊落英才鬱鬱巖穴不獲揚眉吐氣竝增聲價於龍門也予因是引爲己任爰推廣善舉與兩君子酌訂條例計長久迺於船釐項下酌撥青蚨永爲定章竝約在城鄭州同維翰鄭孝廉弼臣蔡明經香輪董其事仍其名曰賓興莊慮錙銖之或混也則編鈐簿以紀之慮經理之失實也則遴巨賈以領之猶復時釐其數歲會其盈定兩試總計之期列三年酌分之目蓋處置詳而慮已審矣夫有其舉之莫敢或廢夫人而知之第行

之久而踵事不能漸增爲數尙形稍絀譬集羣材以成室俾萬間廣夏規畫崇闕固莅斯土者分所應爲抑亦居是邦者所當共勛也踵而行之擴而充之以是倡不以是止予不敏曷敢居功願先爲之導多士從茲砥礪儲其才以副

聖世旁招之典行見展鵬程題雁塢雲興雨屬彬彬乎較前更有倍焉是則予之厚望也夫爰序其事書於石計開

賓興莊店租地租及商捐各項錢文議定殷實老成數

德化縣志

卷二十二學校

書院賓興莊附

三

人經理其事按季收錢存交妥實舖商生息及每年公同核實註冊送署用印條規

一本道籌給商捐錢文定限或半月或十日憑摺支取歸首士經理每收足三個月爲一季會商公同存放城中信實舖商每月按八釐起息所收錢文至五十千或百千卽起息畸零存俟下次積有成數再行生息隨時登簿每年二月初一日會同齊集公所核算共登總簿

再此項捐款原議從商捐五文一款撥出已經牌示在案本道復經核算爲數無幾仍恐不敷所用應再

擴充三文連前總共八文一併歸入九姑兩關商捐  
籤錢項下在水巡錢糧房內約期核算憑摺支取以  
歸劃一而免紛歧

一收錢應各領流水循環印簿二分四柱循環總簿二分  
每簿以一分存署一分交首士登註每年定期於二月  
初一日至城會算某某一年收錢若干存某舖生息若  
干按數登註印簿公呈本道府核對用印仍發房存案經  
手書吏毫無使費

一城內各舖屋三季租錢原有定數總理各首士按季經  
德化縣志 卷二十二學校 書院賓興莊附 三

管登簿如有搬移歇業或修理及店客稍有虧欠會同  
查明妥為辦理並開單送署發房一面自行登簿以免  
含糊之弊

一所有收之項除商捐概係釐金大錢其各家店租及息資  
一概議收釐金大錢將來易銀以歸劃一不準攙用私  
錢致干例禁

一所存錢文積至三年已成巨款每屆科舉年分定於六  
月二十日截數各首士齊集城中公所將印簿呈本道府  
按各項收數一併易銀以五成歸會試以五成歸鄉試

凡遇鄉會 恩科年分亦於六月二十日查明存款儘數提出鄉會各半動用其鄉試之銀卽於數人中公請一人帶至省城會同學師於錄遺後齊集公所照錄取名數無論生監按名均勻散給會試之銀於冬月二十日齊集郡城查明北上舉人酌定數目驗其咨文領到按名先發一半其餘一半由票號匯至京都數人公舉品望素著會試舉人一二位將匯票帶京邀請同鄉最尊京官按名散給朝考之拔優兩貢一律辦理有不到京者將銀寄回存公作爲收數已領一半銀兩照數追繳以免糜濫

德化縣志

卷二十二學校

書院賓興莊附

三

一賓興美舉現經本府道籌畫經費廢者復興將來人才由此出者不可限量亟應量力捐輸擴充此舉議定知縣到任後優缺捐銀二百兩中缺捐銀一百兩知府到任後優缺捐銀二百五十兩中缺捐銀一百五十兩司道到任後優缺捐銀三百兩中缺捐銀二百兩督撫照司道加倍京官每試差學差一次捐銀二百兩官至侍郎捐銀一百兩以後升一階捐銀一百兩其現在出仕京外各官量力捐助均由經理首士發公函並請府道加函



催勸所以捐項自應置產以爲久遠之計其產中出息同逐年商捐及各項利錢俟鄉會試年分湊齊動用

一每年二月初一日每科六月二十冬月二十等日各首士齊集公所算賬派錢需用火食並酌雇安人一名按月收支錢文月給工食每科首士赴省散銀盤費等項酌定數目以及匯銀赴京匯費銀兩公同商議稟明不道酌量提用總期無缺無濫以資節制

一經管此項首士經理多年時事不無變更如力不能任或能任而人不得力仍宜明本道府公同舉替以免貽誤

德化縣志

卷二十二 學校

院賓興莊附

三

一所管之業每店屋懸賓興莊業牌記使人人共知並勒石編入志書記其原委以垂久遠

一此項專爲鄉會資興而設愈積愈厚愈多愈善本邑如書院及各項學校需費概不準挪此就彼致開弊端經理各首士亦不準私相移挪致無稽考

一經管首士每逢十日著人憑摺赴水巡房算取錢錢若干無論零星當將其錢入流水簿劃作兩分分送兩鋪戶登入循環簿三節所收租錢亦一律照辦不得稍留時日移前挪後致賬目或有參差該首士等亦不得以

平日與該舖戶曾有銀錢往來將此項移挪抵借致起  
牽涉之嫌

一存錢舖戶實存實付起息八釐之外並無絲毫加添及  
息上起息之弊無論經管首士不能另生枝節卽一邑  
紳士亦不能或生覬覦挪借分毫倘有此項情事該舖  
戶一概不理如該舖戶礙於情面不能推謝卽向經手  
紳士言明公同稟明道府兩憲以杜弊端

一黎伯順捐錢壹千串文此項議定本年冬季繳經管首  
士置產

德化縣志

卷二十二學校

書院賓興莊附

三

一湖北漢黃道李明墀捐銀三百兩

一署浙江餘杭縣知縣唐煦春捐銀壹百兩

一署安徽合肥縣知縣余允圻捐洋銀肆拾元

